

Tali a Ioane Teila ia Pale P. Palate

Faitau le tali lenei a Ioane Teila, o lē sa avea i lena taimi ma se tagata fou liliu mai, ia Pale P. Palate, o le sa aoaoina ma papatisoina Ioane i le tausaga na muamua atu, ae o lenei ua tautala atu e faasagatau i le Perofeta o Iosefa Samita:



“Ua ou ofo i lo’u faalogo atu o e tautala faapena, Uso Pale. Ae e te le’i tuua Kanata, sa e tuuina mai se molimau malosi e uiga ia Iosefa Samita, o se Perofeta a le Atua, ma le moni o le galuega sa ia amatalia; ma sa e faapea mai sa e iloaina nei mea i se faaaliga, ma le meaalofo a le Agaga Paia. Na e matua aoaoina au, e tusa lava po o oe po o se agelu mai le lagi e talaiina mai se isi mea e ese ai, ia aua nei ou talitonu i ai. O lea Uso Pale, e le o le tagata lea ou te mulimuli i ai, a o le Alii. O mataupu faavae na e aoao mai ia te au, ua taitai atu ai a’u ia te Ia, ma ua ia te au foi lena lava molimau, sa e olioli ai i lena taimi. Afai sa moni le galuega i le ono masina talu ai, o loo moni nei foi; afai o Iosefa Samita o se perofeta i lena taimi, o se perofeta foi i le taimi nei” (*Aoaoga a Peresitene o le Ekalesia: Ioane Teila* [2001], 77).

- Aisea na le aafia ai le molimau a Ioane Teila e uiga i le talalelei toefuataiina ina ua faasoa atu e Pale P. Palate ona masalosaloga e uiga i le Perofeta o Iosefa Samita?
- O a ni mataupu faavae e mafai ona tatou aoao mai i le tali a Ioane Teila o le a faapea ona fesoasoani ia i latou o e o tauivi ma fesili, masalosaloga, po o atugaluga?